

جدوال قمبرچان خطبه جمعة

Siri 2/ 2023

(Bulan Februari Tahun 2023)

ب	تاجوق	تاریخ	موک سورت
1.	وسقادا تیفو داي سیر (Siber)	3 Februari 2023M/ 12 Rejab 1444H	3
2.	حلال دان برکة	10 Februari 2023M/ 19 Rejab 1444H	9
3.	مرءایه کبرکتن دوا بولن یغ ملیا	17 Februari 2023M/ 26 Rejab 1444H	16
4.	کاسیهي قرابة هیدوف برکة	24 Februari 2023M/ 3 Syaaban 1444H	24
	خطبه کدوا		30

دبیایای:



زکاة فولاو فینغ

دترییتکن:



جابتن حال إحوال اکام اسلام فولاو فینغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Waspada Tipu Daya Siber

(3 Februari 2023M / 12 Rejab 1444H)

الْحَمْدُ لِلَّهِ وَلِيِّ مَنْ اتَّقَى، مَنْ اعْتَمَدَ عَلَيْهِ كَفَى، وَمَنْ لَذَّ بِهِ وَقِيَ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ
الْمُصْطَفَى.

اللهم صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ وَمَنْ دَعَا بِدَعْوَتِهِ
وَاهْتَدَى. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَاعْلَمُوا أَنَّ خَيْرَ وَصِيَّةٍ يُوصَى بِهَا الْمَرْءُ:
تَقْوَى اللَّهِ جَلَّ وَعَلَا،

SIDANG JEMAAH YANG DIRAHMATI ALLAH,

Marilah kita bertakwa kepada Allah **سُبْحَانَهُ وَتَعَالَى** dengan mentaati segala perintah-Nya dan menjauhi segala larangan-Nya. Semoga Allah merahmati dan memberkati kehidupan kita di dunia dan di akhirat.

Khutbah pada hari ini akan membicarakan tajuk “**Waspada Tipu Daya Siber.**” Sebelum itu, mimbar ingin mengingatkan agar jemaah sekalian dapat menumpukan perhatian kepada khutbah yang akan disampaikan. Matikan telefon bimbit, janganlah berbual-bual atau tidur dengan sengaja, tidak menggerakkan tabung kutipan serta tangguhkanlah sebarang urusan yang dilakukan. Semoga kita semua mendapat manfaat melalui bicara mimbar pada hari ini.

SIDANG JEMAAH YANG BERBAHAGIA,



Syariat Islam telah diturunkan oleh Allah ﷻ sebagai suatu bentuk penyempurnaan nikmat terbesar ke atas umat manusia. Syariat ini merangkumi segala aspek kehidupan seorang muslim di dunia mahupun di akhirat dan salah satunya ialah syariat tentang perolehan dan pemeliharaan harta. Tujuannya supaya setiap manusia memperoleh hak dan memelihara harta dengan cara yang dibenarkan syariat dan bukannya melalui cara yang batil dan haram. Hayatilah firman Allah di dalam surah An-Nisa' ayat 29:

يَا أَيُّهَا الَّذِينَ ءَامَنُوا لَا تَأْكُلُوا أَمْوَالَكُمْ بَيْنَكُمْ بِالْبَاطِلِ إِلَّا أَنْ تَكُونَ تِجَارَةً عَنْ تَرَاضٍ
مِّنْكُمْ وَلَا تَقْتُلُوا أَنْفُسَكُمْ إِنَّ اللَّهَ كَانَ بِكُمْ رَحِيمًا ﴿٢٩﴾

Maksudnya: “Wahai orang-orang yang beriman, janganlah kamu makan (gunakan) harta-harta kamu sesama kamu dengan jalan yang salah (tipu, judi dan sebagainya), kecuali dengan jalan perniagaan yang dilakukan secara suka sama suka antara kamu, dan janganlah kamu berbunuh-bunuhan sesama sendiri. Sesungguhnya Allah sentiasa mengasihani kamu.”

Menerusi kefahaman ayat ini, umat Islam tidak dibenarkan untuk mengambil harta orang lain tanpa keizinan daripada pemiliknya. Namun begitu, sejak kebelakangan ini aktiviti jenayah penipuan *siber* atau *scam* banyak berlaku melibatkan pengambilan harta secara batil. Melalui kecanggihan dan kemudahan teknologi serta perbankan, penipu *siber* atau *scammer* berjaya memanipulasi, menipu dan memperdaya masyarakat dalam melakukan jenayah tersebut.

Hari demi hari, kes melibatkan penipuan *siber* direkodkan. Berdasarkan statistik, jumlah kes penipuan *siber* yang dilaporkan di seluruh negara bagi tahun 2017 hingga Jun 2022 adalah sebanyak 89,798 kes yang melibatkan kerugian bernilai RM209 billion. Daripada jumlah tersebut, kes penipuan urusniaga di dalam talian berjumlah 32,791 kes dan ia merupakan yang tertinggi berbanding kes-kes yang lain dan ini amatlah membimbangkan.

SIDANG JEMAAH YANG DIMULIAKAN,

Modus operandi jenayah siber sering berubah-ubah. Polis Diraja Malaysia (PDRM) telah mengenal pasti beberapa kaedah yang digunakan melalui internet dan media sosial. Antaranya adalah *Macau Scam*, *Love Scam*, jenayah *e-dagang*, pemalsuan (*Phishing*), *Aplikasi Malware*, tipu pelaburan atau pinjaman tidak wujud, penyamaran sebagai pihak berkuasa seperti Polis, Pegawai Pencegah Rasuah, Pegawai Kastam, wakil Mahkamah, Pegawai Lembaga Hasil Dalam Negeri, Pegawai Bank dan sebagainya.

Penjenayah semakin bijak memanipulasi kecanggihan teknologi masa kini dengan bertujuan untuk mengintip maklumat peribadi dan data perbankan mangsa. Jenayah *Parcel Scam* juga menjadi antara trend terkini di mana penjenayah bijak menyamar, sebagai contoh penyamaran sebagai syarikat *kurier*. Mangsa yang terpedaya didakwa mempunyai *parcel* atau barang yang tidak dituntut. Kemudiannya mendakwa laporan polis telah dibuat dan menyebabkan kegelisahan kepada mangsa sehingga mangsa mendedahkan maklumat peribadi akibat takut akan tindakan polis. Mimbar ingin menegaskan, kedua-dua jenayah ini boleh disabitkan di bawah Seksyen 420 Kanun keseksaan.

SIDANG JEMAAH YANG DIRAHMATI ALLAH,

Sebagai tambahan, mimbar juga ingin berkongsi beberapa saluran dan inisiatif yang boleh digerakkan oleh PDRM dan Institusi Perbankan yang boleh menjadi rujukan kita semua, antaranya, PDRM telah menubuhkan Pusat Respon *Scam* Jabatan Siasatan Jenayah Komersial (JSJK), Aplikasi *SemakMule*, *Infoline*, hebahan maklumat dan informasi melalui aplikasi media sosial *Facebook* dan *Instagram* Jabatan Siasatan Jenayah Komersial.

Sekali lagi khatib mengingatkan agar para jemaah untuk memuat turun aplikasi *SemakMule* tersebut di telefon pintar masing-masing.

Institusi perbankan juga telah menyebarkan informasi tentang bahaya menjadi mangsa jenayah penipuan dan akibat terlibat dengan akaun keldai. Oleh yang demikian, diharapkan supaya kita dapat sama-sama menyebarkan mesej ini kepada rakan, ahli keluarga dan orang di keliling kita.

Sama-samalah kita menghayati sabda Rasulullah ﷺ yang diriwayatkan oleh Abdullah ibnu Umar رَضِيَ اللَّهُ عَنْهُمَا:

المُسْلِمُ أَخُو الْمُسْلِمِ ، لَا يَظْلِمُهُ ، وَلَا يُسْلِمُهُ...

Maksudnya: *“Seorang muslim adalah saudara muslim yang lain, tidak menganiayainya dan tidak akan dibiarkan dianiayai orang lain....”*

Mimbar ingin berpesan dan menasihati kepada semua jemaah sekalian agar kita melindungi diri daripada menjadi mangsa atau terlibat dengan jenayah ini. Antara tindakan yang boleh diambil ialah:

1. Semak dan rujuk agensi rasmi berkaitan untuk pengesahan tentang sesuatu perkara. Jangan melayan sebarang panggilan telefon daripada pihak yang tidak dikenali, segera putus panggilan jika berasa curiga atau takut.
2. Elakkan daripada mengetik sebarang pautan yang diterima daripada pihak tidak dikenali atau memuat turun sebarang aplikasi yang meragukan untuk mengelak daripada terdedahnya maklumat peribadi kita.
3. Ahli keluarga perlulah berbicara dan mengingatkan tentang kaedah penipuan *siber* ini dan berbincanglah dengan orang lain sebelum melakukan transaksi kewangan yang besar dan mencurigakan.
4. Berfikirlah dengan waras sebelum bersekongkol dengan penjenayah sebagai pemilik akaun keldai yang menyalahi undang-undang.

5. Sentiasa waspada dengan sebarang bentuk penipuan atau *scam* dan cakna dengan muslihat yang dilakukan oleh *scammer* serta segera melaporkan kepada pihak berkuasa.

Firman Allah dalam surah Al-Zalzalah ayat 7-8:

فَمَنْ يَعْمَلْ مِثْقَالَ ذَرَّةٍ خَيْرًا يَرَهُ ۖ وَمَنْ يَعْمَلْ مِثْقَالَ ذَرَّةٍ شَرًّا يَرَهُ ۚ

Maksudnya: “Barangsiapa yang mengerjakan kebaikan seberat zarrah pun, nescaya dia akan melihat (balasan)-Nya pula.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن فبرواري

2023M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٥﴾